

STATUTS

I DETERMINAZIUNS GENERALAS

Art. 1 Num e sedia

Cul num SPITEX Selva, numnaus el suandont, 'uniun', exista in'uniun el senn dad art. 60 ss. dil Cudisch civil svizzer CCS.

Sedia dall'uniun ei il liug dil post da gestiun dalla Spitem. La suprastanza fixescha quei liug.

Art. 2 Intent e posiziun giuridica

Sebasond sils artechels corrispundents dalla legislaziun cantunala davart la tgira da malsauns e fatgs da sanadad pussibilitescha e promova l'uniun cun ses survetschs il habitar a casa per carstgauns da tuttas vegliadetgnas. Ils survetschs da spitem cumpeglian specialmein la tgira, assistenza, accumpignament, cussegliaziun e sustegn el il tenercasa sco era en il survetsch da tschaveras. Plinavon san ulteriurs pensums cun semegliontas finamiras vegnir surpri, sco prestaziuns en instituziuns da tgira.

L'uniun ademplescha sias incaricas per incumbensa dallas vischnaucas-commembras ed organisaziuns cullas qualas igl ein vegnidadas fixadas cuvegnas da prestaziun.

Siu intent d'uniun ademplescha la SPITEX Selva cun realisar las prescripziuns cantunales per las organisaziuns da Spitem dil Grischun e la cuvegna da prestaziun risguardond las basas legalas. L'uniun sa delegar incaricas parzialas ad autras organisaziuns adattadas.

Art. 3 Egualitad dallas schlatteinas

Indicaziuns da persunas, funcziuns ni professiuns en quels statuts serefereschon mintgamai ad omisduas schlatteinas, aschilunsch ch'ei seresulta buc enzatgei auter ord il senn dils statuts.

II COMMEMBRANZA

Art.4 Acquist dalla commembranza

Persunas natiralas che han cumplenu 18 onns e persunas giuridicas dil dretg public e privat san vegnir admessas sco commembers dall'uniun, e quei independentamein da lur sedia ni domicil.

Art. 5 Admissiun / Extradada / Exclusiun

Davart l'admissiun e l'exclusiun da persunas giuridicas dil dretg public e privat sco era da persunas natiralas decida la radunonza dils commembers.

L'extrada da persunas giuridicas dil dretg public e privat sa succeder a scret silla fin digl onn calendari risguardond in termin da visada da 6 meins. L'extrada dils ulteriurs commembers sa succeder da tut temps.

Commembers che pagan buc la contribuziun da commember ni cunterfan grevamein als

interess dall'uniun, san vegnir exclus dalla suprastanza.

Il commember exclus sa recuorer a scret enteifer 30 dis dapi l'enconuschientscha dall'exclusiun al president per mauns dalla radunonza da commembers. Entochen alla decisiun dalla radunonza da commembers ruaussan ils dretgs da commember dil commember exclus; el ha denton il dretg da motivar persunalmein siu recuors alla radunonza da commembers ni da schar motivar el entras in auter commember.

Commembers ch'extreschan ni che vegnan sclaus, han negin dretg silla facultad dall'uniun.

III ORGANISAZIUN

Art. 6 Organs dall'uniun

Organs dall'uniun ein:

- la radunonza dils commembers
- la suprastanza
- la cumissiun da quen e gestiun

A La radunonza dils commembers

Art. 7 Cumposiziun ed elecziun

La radunonza dils commembers ei igl organ suprem dall'uniun.

Alla radunonza dils commembers separticipeschan ils commembers singuls sco era ils delegai elegi dallas vischnaucas-commembras e dallas ulteriuras personas giuridicas dil dretg public e privat.

Art. 8 Dretg da votar

Alla radunonza dils commembers possedan ils commembers singuls sco era ils delegai elegi dallas vischnaucas-commembras e dallas ulteriuras personas giuridicas dil dretg public e privat sco era ils commembers dalla suprastanza il dretg da votar.

Mintga vischnaunca-commembra sco era las ulteriuras personas giuridicas dil dretg public e privat han il dretg sin in delegau.

Mintga persona cun dretg da votar ch'ei presenta alla radunonza dils commembers, commember singul ni delegau, ha mo ina vusch.

Art. 9 Cumpetenzza

La radunonza dils commembers ha las suandontas incumbensas e cumpetenzas:

- a) eleger / relaschar il president ed ils ulteriurs commembers dalla suprastanza;
- b) eleger / relaschar ils commembers dalla cumissiun da quen e gestiun e lur suppleants;
- c) fixar las indemnisaziuns ed ils daners da sesidas dils organs dall'uniun;
- d) statuir ils reglaments necessaris;
- e) approbar il quen annual;
- f) approbar ils rapports annuals da suprastanza e direcziun dalla gestiun;
- g) fixar las contribuziuns da commembers;
- h) decider davart expensas ch'eiin buca previdas el budget e che survargan la cumpetenzza dalla suprastanza;

- i) decider davart l'admissiun e l'exclusiun da persunas giuridicas dil dretg public e privat e persunas natiralas sco era tractar ils recuors da persunas singulas.
- j) decider davart propostas da commembers ch'ei vegnidas inoltradas a scret avon la radunonza dils commembers tochen la fin da fevrer, e davart propostas dalla suprastonza;
- k) decider davart midadas dils statuts;
- l) decider davart la dissoluziun dall'uniun.

Art. 10 Convocaziun

La suprastonza convochescha silmeins ina ga ad onn ina radunonza dils commembers e – schi savens sco ei fa basegns – radunonzas da commembers extraordinarias.

La radunonza ordinaria dils commembers ha liug mintgamai egl'empremez onn.

La suprastonza ei obligada da convocar enteifer dus meins ina radunonza extraordinaria dils commembers, e quei sin damonda a scret

- dalla cumissiun da quen e gestiun,
- da silmeins duas vischnauncas-commembras,
- d'in tschunavel dils commembers.

L'invitaziun alla radunonza da commembers succeda silmeins duas jamnas avon en in dils organs da publicaziun ufficials dallas vischnauncas-commembras.

La documentaziun necessaria tiels puncts dallas tractandas vegn tarmessa allas vischnauncas-commembras silmeins treis jamnas ordavon. Ils ulteriurs commembers san retrer ella dil secretariat.

Art. 11 Decisiun

Mintga radunonza dils commembers ch'ei vegnida convocada confuorm agl'orden ei cumpetenta da decider.

Per prender decisziuns basegna ei la maiortad absoluta dallas vuschs valeivlas ch'ei vegnidas dadas giu. Tier elecziuns vala el secund scrutini la maiortad relativa. El cass d'egualitad dallas vuschs tier caussas da fatschenta ei la caussa ni la proposta refusada; el cass d'egualitad dallas vuschs tier elecziuns decida la sort.

B La suprastonza

Art. 12 Constituziun

La suprastonza secumpona da 4 tochen 8 commembers e seconstituescha sesezza cun excepziun dil president ch'ei elegius sco tal. La radunonza dils commembers fixescha il diember respectiv da commembers da suprastonza.

Ils commembers da suprastonza vegnan elegi per ina perioda d'uffeci da treis onns ch'entscheiva igl 1. da fenadur. Els san vegnir reelegi.

Art. 13 Incumbensas

El rom dall'incumbensa ordinaria da menar l'uniun exequescha la suprastonza – reparti tenor ressorts – tuttas fatschentas ch'ei adossadas ad ella tras leschas, tras quests statuts ni tras reglaments che sebasan sin lezs. Ella ei en special responsabla per las

suandontas incaricas:

- a) representar l'uniun anoviars;
- b) preparar la radunonza da commembers ed exequir sias decisiuns;
- c) preparar in rapport annual a scret;
- d) approbar il preventiv ed il quen annual per mauns dallas vischnaucas-commembras;
- e) engaschar e relaschar las collaboraturas dil cader tenor regulaziuns d'organisaziun internas;
- f) Fixar las regulaziuns da paga tenor regulaziuns d'organisaziun internas;
- g) stipular regulaziuns d'organisaziun e da signaturas;
- h) stipular in uorden dallas tariffas;
- i) administrar la facultad dall'uniun;
- j) decider davart expensas urgentas ordeifer il budget;
- k) examinar/adattar e fixar convegnas da prestaziun cullas vischnaucas-commembras ed organisaziuns.

Allas sesidas dalla suprastonza separticipescha la direcziun cun vusch consultativa. Ulteriuras collaboraturas ni tiarzas personas san vegnir envidadas cun vusch consultativa.

Art. 14 Conclus ed elecziuns

La suprastonza ei habla da decider sche la maioritad dils commembers ei presenta. Ella pren ses conclus e fa las elecziuns culla maioritad sempla dils commembers presents. En cass d'egualitad dallas vuschs dat il president la vusch da tagl.

Art. 15 Signatura

La signatura giuridicamein valeivla per l'uniun possedan il president ed igl actuar resp. lur substituents en suprastonza. Els segnan collectivamein.

Per fatgs dil menaschi han era las collaboraturas dalla Spitex Selva il dretg da suttascriver tenor la regulaziun interna d'organisaziun e da signaturas. Ina signatura collectiva ei necessaria per la decisiun davart valurs dalla facultad ni davart entrar obligaziuns da summas che survargan frs. 10'000.—.

C La cumissiun da quen e gestiun

Art. 16 Cumposiziun

La radunonza dils commembers elegia mintgamai sigl 1 da fenadur dus commembers dalla cumissiun da quen e gestiun per in temps da treis onns. La radunonza sa eleger plinavon in substitut.

La cumissiun da quen e gestiun sa surdar l'examinaziun professiunala dil quen annual ad in revisur ni in expert da revisiun. Questa examinaziun sa vegnir surdada era ad in commember dalla cumissiun da quen e gestiun ch'ei qualifiaus corrispudentamein.

Art. 17 Incumbensas e cumpetenzza

La cumissiun da quen e gestiun ha in dretg da controlla cumplessiv. Da tut temps sa ella prender investa en actas d'administraziun, contabilitad e menaschi sco era ell'activitad dalla suprastonza. Ella rapporta a scret alla radunonza dils commembers. Resalvond prescripziuns legalas cuntrarias sto vegnir fatga mo in'examinaziun limitada.

IV FINANZAS

Art. 18 Finanziaziun

La finanziaziun succeda oravontut entras:

- contribuziuns da commembers
- entradas da survetschs prestai
- contribuziuns cantunalas e communalas
- donaziuns voluntarias
- recavs dalla facultad

Art. 19 Onn da gestiun

Igl onn da gestiun corrispunda agl onn calendar.

Art. 20 Prestaziuns dallas vischnaucas-commembras ed organisaziuns

Las prestaziuns sedrezzan tenor las curvegns da prestaziun cullas vischnaucas-commembras e las organisaziuns.

Art. 21 Responsablidad

Per las obligaziuns dall'uniun garantescha mo la facultad dall'uniun.

V DETERMINAZIUNS FINALAS

Art. 22 Obligaziun da discreziun

Per ils commembers dalla suprastonza, dalla cumissiun da quen e gestiun, sco era per tut las collaboraturas vala l'obligaziun da discreziun.

Art. 23 Revisiun dils statuts

Per reveder ils statuts basegna ei l'approbaziun da duas tiarzas dils commembers presents.

Art. 24 Dissoluziun

Per ina eventuala dissoluziun dall'uniun basegna ei l'approbaziun da duas tiarzas dils commembers presents.

En cass d'ina dissoluziun va la facultad dall'uniun ad ina organisaziun successiva cun medem ni semegliant intent, tenor decisiun dalla radunonza da commembers.

Art. 25 Entrada en vigur


Quests statuts ha la radunonza da fundaziun dils 11 da fevrer 2000 approbau. Els ein entrai en vigur cun quei datum.

Las revisiuns dils statuts entran immediat en vigur:

1. revisiun: radunonza extraordinaria dils commembers dils 28 d'october 2003.

2. revisiun: radunonza dils commembers dils 3 da zercladur 2008.
3. revisiun: radunonza extraordinaria dils commembers dils 26 da november 2013.

Signau:
Il president Gion Albert Coray



Signau:
l'actuaria Rita Holdener



Laax, ils 26 da november 2013